

Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттаманы ратификациялау туралы

Қазақстан Республикасының 2006 жылғы 11 желтоқсандағы N 202 Заңы.

РҚАО-ның ескертпесі!

Хаттаманың қолданысы тоқтатылды - ҚР 24.12.2014 № 266-V Заңымен.

Мәскеуде 2004 жылғы 25 қазанда қол қойылған Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттама ратификациялансын.

Қ а з а қ с т а н
Президенті

Р е с п у б л и к а с ы н ы ң

Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы ХАТТАМА

Бұдан әрі Тараптар деп аталатын Еуразия экономикалық қоғамдастығына (бұдан әрі - ЕурАзЭҚ) мүше мемлекеттердің Үкіметтері,

Беларусь Республикасы мен Ресей Федерациясы арасындағы 1995 жылғы 6 қаңтардағы Кеден Одағы туралы келісімде, 1995 жылғы 20 қаңтардағы Кеден одағы туралы келісімде, 1999 жылғы 26 ақпандағы Кеден одағы мен Бірыңғай экономикалық кеңістік туралы шартта және 2000 жылғы 10 қазандағы Еуразия экономикалық қоғамдастығын құру туралы шартта көзделген ықпалдасу процестерін одан әрі дамыту мақсатында,

1997 жылғы 22 қазандағы Кеден одағын қалыптастыру кезіндегі тарифтік емес реттеудің бірыңғай шаралары туралы келісімнің ережелерін іске асыра отырып,

ЕурАзЭҚ-қа мүше мемлекеттердің үшінші елдерге қатысты бірыңғай сауда режимін белгілеу жөнінде Тараптардың ниеттерін назарға ала отырып,

мына төмендегілер туралы келісті:

1-бап Негізгі ұғымдар

Осы Хаттаманың мақсаттары үшін мынадай ұғымдар пайдаланылады:

сыртқы сауда қызметі - тауарлармен, қызметтермен, ақпаратпен және зияткерлік меншікпен сыртқы сауда саласындағы мәмілелерді жүзеге асыру жөніндегі қызмет;

бас лицензия - Тараптардың шешімдері негізінде сыртқы сауда қызметіне қатысушыларға берілетін және лицензияда айқындалған санда лицензияланатын жекелеген тауарлар түрінің экспортына немесе импортына құқық беретін лицензия;

тауар импорты - ЕурАзЭҚ-қа мүше мемлекеттің кедендік аумағына қайта әкету туралы міндеттемесіз тауарларды әкелу;

ерекше лицензия - жекелеген тауар түрінің экспортына немесе импортына ерекше құқық беретін лицензия;

лицензия және (немесе) рұқсат - тауарлардың не осыған байланысты жекелеген қызмет түрлерінің импортын және (немесе) экспортын жүзеге асыру құқығына арналған арнайы құжат;

лицензиялау - тауарлардың не осыған байланысты жекелеген қызмет түрлерінің импортын және (немесе) экспортын жүзеге асыру құқығына арналған лицензияларды және (немесе) рұқсаттарды беру тәртібін белгілейтін әкімшілік шаралардың кешені;

қадағалау - жекелеген тауар түрлерінің импорты және (немесе) экспорты серпінінің мониторингі мақсатында белгіленген уақытша шара;

бір жолғы лицензия - мәні лицензияланатын тауар болып табылатын сыртқы сауда мәмілесі негізінде сыртқы сауда қызметіне қатысушыға берілетін және осы тауардың белгілі бір сандағы экспортына немесе импортына құқық беретін лицензия;

рұқсат беру тәртібі - лицензиялауды немесе сыртқы сауда қызметін реттеудің әкімшілік шараларының өзге нысандарын көздейтін жекелеген тауарлар түрлерімен сыртқы сауда операцияларын, сондай-ақ ЕурАзЭҚ-қа мүше мемлекеттердің аумағынан тысқары тасымалданатын осындай тауарларды кедендік бақылау мен кедендік ресімдеуді жүзеге асырудың тәртібі;

тауар - сыртқы сауда қызметінің мәні болып табылатын жылжымалы мүлік, жылжымайтын мүлікке жатқызылған әуе, теңіз кемелері, ішкі жүзу және аралас (өзен - теңіз) жүзу кемелері мен ғарыш объектілері, сондай-ақ электр энергиясы және энергияның басқа да түрлері. Халықаралық тасымалдар туралы шарт бойынша пайдаланылатын көлік құралдары тауар ретінде қарастырылмайды;

ЕурАзЭҚ-тың сыртқы сауда қызметіне қатысушылар (бұдан әрі - сыртқы сауда қызметіне қатысушылар) - ЕурАзЭҚ-қа мүше мемлекеттің заңнамасына сәйкес құрылған заңды тұлғалар, ЕурАзЭҚ-қа мүше мемлекеттің азаматтары болып табылатын ЕурАзЭҚ-қа мүше мемлекеттің аумағында тұрақты немесе басымдықты тұрғылықты орны бар немесе ЕурАзЭҚ-қа мүше мемлекетте тұрақты тұруға құқығы бар не ЕурАзЭҚ-қа мүше мемлекеттің заңнамасына сәйкес дара кәсіпкерлер ретінде тіркелген жеке тұлғалар;

тауар экспорты - ЕурАзЭҚ-қа мүше мемлекеттің кедендік аумағынан кері қайтару туралы міндеттемесіз тауарды әкету.

2-бап Қолданылу аясы

Осы Хаттама Еуразия экономикалық қоғамдастығына мүше мемлекеттер үшінші елдермен саудада әкелуге және (немесе) әкетуге тыйым салу немесе шектеулер қолданылатын Тауарлардың бірыңғай тізбесіне (бұдан әрі - Тауарлардың бірыңғай тізбесі) енгізілген тауарлардың, сондай-ақ осыған байланысты жекелеген қызмет түрлерінің импортын және (немесе) экспортын қадағалау мен лицензиялаудың ережесін анықтайды.

ЕурАзЭҚ-тың бірыңғай кедендік аумағын құру туралы халықаралық шарт күшіне енгенге дейін ЕурАзЭҚ-қа мүше мемлекеттің бірінің аумағынан ЕурАзЭҚ-қа мүше мемлекеттің екіншісінің аумағына жекелеген тауарлар түрлерінің импортына және (немесе) экспортына байланысты сыртқы сауда операциялары ЕурАзЭҚ-қа мүше мемлекеттердің заңнамасында және олардың арасындағы еркін сауда туралы екі жақты шарттарда көзделген тәртіппен жүзеге асырылады.

ЕурАзЭҚ-қа мүше мемлекеттің кедендік аумағы оның заңнамасына сәйкес айқындалады.

Осы Хаттаманың әрекеті экспорттық бақылауға жататын тауарлардың импортына және экспортына, сондай-ақ қару-жарақ пен әскери техниканың импорты мен экспортына, сондай-ақ әскери мақсаттағы өзге өнімдерге қатысты қолданылмайды.

3-бап Жекелеген тауарлар түрлерінің импортын және (немесе) экспортын қадағалау

1. Жекелеген тауарлар түрлерінің импортын және (немесе) экспортын қадағалау тауарлардың импортына және (немесе) экспортына рұқсаттар беру арқылы жүзеге асырылады.

2. Жекелеген тауарлар түрлерінің импортын және (немесе) экспортын қадағалау мынадай принциптер сақталған кезде жүзеге асырылады:

а) тауарлардың импортына және (немесе) экспортына рұқсаттар алу рәсімі тауарлардың импортын және экспортын шектемеу үшін барынша оңайландырылуы тиіс;

б) рұқсат атқарушы биліктің уәкілетті мемлекеттік органына (бұдан әрі - уәкілетті мемлекеттік орган) ұсынылған өтініштердің негізінде сыртқы сауда қызметінің кез келген қатысушыларына шектеусіз беріледі;

в) рұқсат беру туралы өтінішті тауарларды кедендік ресімдегенге дейін кез келген жұмыс күні беруге болады.

3. Рұқсат оған қатысты қадағалау енгізілген жекелеген тауарлар түріне тауардың саны мен құны, сондай-ақ егер импортқа рұқсат берілетін болса, сыртқы сауда мәмілесінің тараптары және тауардың шыққан елі көрсетіле отырып, қолдан жасаудан қорғалған арнайы дайындалған қағаздағы бланкілерде ресімделеді.

4. Рұқсат алу үшін сыртқы сауда қызметінің қатысушысы уәкілетті мемлекеттік органға осы Хаттамада бекітілген нысандағы (N 1-қосымша) рұқсаттың жобасын қағаздағы және электронды түрде бір данада ұсынады.

Жекелеген тауарлар түрлерінің экспортына және/немесе импортына рұқсат алу үшін тиісті түрде ресімделген рұқсаттың жобасынан басқа, өзге құжаттарды ұсынуды талап етуге жол берілмейді. Тауарлардың импортына және (немесе) экспортына рұқсаттың жобасын толтыру және рұқсатты ресімдеу ережесі осы Хаттаманың ажырамас бөлігі болып табылатын N 4-қосымшада берілген.

5. Сыртқы сауда қызметіне қатысушы ұсынған рұқсаттың жобасы ЕурАзЭҚ-қа мүше мемлекеттің заңнамасында белгіленген тәртіппен тіркелуге жатады.

6. Берілген рұқсатқа өзгерістер енгізуге жол берілмейді.

7. Рұқсат өтініш берілген күннен бастап үш жұмыс күні ішінде беруге тиіс.

8. Сыртқы сауда қызметінің қатысушысына рұқсаттың түпнұсқасы беріледі.

9. Берілген рұқсат басқа адамға берілмейді және рұқсат иесінде сақталады.

4-бап Тауарлардың импортын және экспортын лицензиялау

1. Тауарлардың импортын және экспортын лицензиялау (бұдан әрі - лицензиялау) мына:

а) жекелеген тауарлар түрлерінің экспортына және (немесе) импортына уақытша сандық шектеулер енгізілген;

б) мемлекеттің қауіпсіздігіне, азаматтардың өміріне немесе денсаулығына, жеке немесе заңды тұлғалардың мүлкіне, мемлекеттік немесе муниципалдық мүлікке, қоршаған ортаға, жануарлар мен өсімдіктердің тіршілігіне немесе саулығына қолайсыз әсер етуі мүмкін жекелеген тауарлар түрлерінің экспортына және (немесе) импортына рұқсат беру тәртібі белгіленген;

в) жекелеген тауар түрлерінің экспортына және (немесе) импортына ерекше құқық берілген;

г) ЕурАзЭҚ-қа мүше мемлекеттің халықаралық міндеттемелері орындалған жағдайларда жүзеге асырылады.

2. Оларға қатысты лицензиялау енгізілетін жекелеген тауарлар түрлері Тауарлардың бірыңғай тізбесіне енгізілген.

Тиісті лицензия алу үшін сыртқы сауда қызметіне қатысушыларға қойылатын талаптар ЕурАзЭҚ-қа мүше мемлекеттің тиісті нормативтік құқықтық актілерімен белгіленеді.

3. Жекелеген тауарлар түрлерінің импорты және (немесе) экспорты уәкілетті мемлекеттік орган беретін N 2-қосымшаға сәйкес нысандағы лицензия негізінде жүзеге асырылады.

Жекелеген тауарлар түрлерінің импортына және (немесе) экспортына бір жолғы, бас және ерекше лицензиялар ресімделуі мүмкін.

Бір жолғы лицензияның қолданылу мерзімі лицензия берілген күннен бастап бір жылдан аспайды, ал оларға қатысты сандық шектеулер енгізілген тауарлар үшін ағымдағы күнтізбелік жылдың 31 желтоқсанында аяқталады.

Бас лицензияның қолданылу мерзімі лицензия берілген күннен бастап бір жылдан асуы мүмкін емес, ал өздеріне қатысты сандық шектеулер енгізілген тауарлар үшін, егер Тараптардың шешімінде өзгеше ескерілмесе, ағымдағы күнтізбелік жылдың 31 желтоқсанында аяқталады.

Тауарлардың жекелеген түрлерінің экспорты және (немесе) импортына ерекше құқық берілетін сыртқы сауда қызметіне қатысушылар, сондай-ақ тауарлардың өзі ЕурАзЭҚ-қа мүше мемлекеттің заңнамасымен айқындалады.

4. Лицензия алу үшін сыртқы сауда қызметіне қатысушы мынадай құжаттарды ұсынады:

а) N 3-қосымшаға сәйкес нысан бойынша қағаздағы және электронды түрде бір данада лицензия беруге арналған өтініш.

Лицензия алуға арналған өтінішті лицензияны және ресімдеу ережесі мен N 5-қосымшада берілген;

б) сыртқы сауда мәмілесін ресімдейтін шарттың көшірмесі (бір жолғы лицензияны ресімдеген жағдайда ғана);

в) салық органында есепке қою туралы куәліктің көшірмесі;

г) егер қызметтің мұндай түрі оған қатысты ЕурАзЭҚ-қа мүше мемлекеттің аумағында лицензиялау енгізілген тауар айналымына байланысты болса лицензияланатын қызмет түрін жүзеге асыруға арналған лицензияның көшірмесі;

д) егер олардың негізінде осы тауарды лицензиялау енгізілген нормативтік құқықтық кесімдерде белгіленсе, басқа да құжаттар.

Құжаттардың көшірмесі ЕурАзЭҚ-қа мүше мемлекеттің заңнамасында белгіленген тәртіппен тігілуі, сыртқы сауда қызметіне қатысушының қолымен және мөрімен расталуы тиіс.

5. Сыртқы сауда қызметіне қатысушы ұсынған құжаттар тіркелуге жатады.

6. Лицензияны беру туралы немесе лицензия беруден бас тарту туралы шешімді құжаттар берілген күннен бастап 20 жұмыс күніне дейінгі мерзімде сыртқы сауда қызметіне қатысушы ұсынған құжаттарды зерделеудің негізінде уәкілетті мемлекеттік орган қабылдайды.

7. Заңды тұлға ретінде тіркелген сыртқы сауда қызметіне қатысушының құрылтайшы құжаттарына өзгерістер енгізілген (ұйымдастырушылық-құқықтық

нысаны, атауы не оның орналасқан орны өзгерсе) немесе жеке тұлға болып табылатын сыртқы сауда қызметіне қатысушының паспорттық деректері өзгерген жағдайда, лицензия иесі берілген лицензияны жою және өтініш пен көрсетілген өзгерістерді растайтын құжаттарды қоса бере отырып, жаңасын ресімдеу туралы өтінішпен жүгінуге міндетті.

Лицензияны қайта ресімдеу туралы шешім сыртқы сауда қызметіне қатысушының құжаттарын тіркеген күннен бастап 5 жұмыс күніне дейінгі мерзімде қабылданады.

8. Берілген лицензияға өзгерістер енгізуге жол берілмейді.

9. Сыртқы сауда қызметіне қатысушыға лицензия беруден мынадай жағдайларда бас тартылуы мүмкін:

ұсынылған құжаттарда сенімсіз немесе толық емес ақпараттың болуы;

квотаның (квоталанатын тауарларға лицензия ресімдеген жағдайда) таусылуы;

Лицензия беруден бас тарту туралы шешімде дәлелді негіз болуы және сыртқы сауда қызметіне мүдделі қатысушыға жазбаша нысанда ұсынылуы тиіс.

10. Лицензияның қолданылуын тоқтату немесе тоқтата тұру туралы шешімді уәкілетті мемлекеттік орган мынадай:

а) лицензия иесі тиісті өтініш ұсынған;

б) лицензия алу үшін сенімді емес мәліметтер мен деректер ұсынған;

в) лицензия жоғалған;

г) егер қызметтің мұндай түрі тауардың импортына және (немесе) экспортына байланысты болса, лицензияланатын қызмет түрін жүзеге асыруға арналған лицензия қайтарылған;

д) лицензия иесі осы баптың 14-тармағын орындамаған жағдайларда қабылдайды.

11. Лицензияның қолданылуын тоқтату және тоқтата тұру туралы шешімді уәкілетті мемлекеттік орган оны қабылдағаннан кейін үш жұмыс күні ішінде осындай шешімге әкелген себептерді көрсете отырып, лицензия иесіне және кеден органдарына жазбаша нысанда жібереді.

Лицензияның қолданылуы кідірітілген себептер жойылғаннан кейін лицензия жаңартылады. Лицензияның қолданылуы уәкілетті мемлекеттік орган тиісті шешім қабылдағаннан кейін жаңартылды деп саналады, ол үш жұмыс күні ішінде лицензия иесіне және кеден органдарына жіберіледі.

12. Лицензия заңды тұлға қайта ұйымдастырылған жағдайды қоса алғанда, басқа тұлғаларға берілмейді және лицензия иесінде сақталады.

13. Лицензия лицензияланатын тауарларды кедендік ресімдеуді жүргізу үшін қажетті құжаттардың бірі болып табылады.

Лицензияның түпнұсқасын және иегер растаған лицензияның көшірмесін лицензияның иесі кеден органына тауарды кедендік ресімдеуді жүргізген кезде ұсынады және ЕурАзЭҚ-қа мүше мемлекеттің кедендік шекарасы арқылы лицензияланатын тауарға рұқсатнама үшін негіздеме болып табылады.

14. Бас және ерекше лицензиялардың иелері тоқсан сайын, есептік тоқсаннан кейінгі айдың 15-ші күніне дейін уәкілетті мемлекеттік органға оның орындалу барысы туралы есепті ұсынуға міндетті. Бір жолғы лицензиялардың иелері бір жолғы лицензияның қолданылу мерзімі аяқталғаннан кейін он күн мерзімде уәкілетті мемлекеттік органға оның орындалуы туралы кеден органдарының белгісі бар лицензияның көшірмесін ұсынуға міндетті.

5-бап Жекелеген қызмет түрлерін лицензиялау

Жекелеген қызмет түрлерін лицензиялау, егер қызметтің осындай түрі оған қатысты ЕурАзЭҚ-қа мүше мемлекеттің аумағында лицензиялау енгізілген тауардың импортына және (немесе) экспортына байланысты болса, ЕурАзЭҚ-қа мүше мемлекеттің заңнамасына сәйкес жүзеге асырылады.

6-бап Дауларды шешу және өзгерістер енгізу

Осы Хаттаманың ережелерін түсіндіруге және/немесе іске асыруға байланысты даулар консультациялар және келіссөздер жолымен шешіледі.

Осы Хаттамаға Тараптардың жалпы келісімімен осы Хаттаманың ажырамас бөлігі болып табылатын хаттамалар түрінде ресімделетін және 7-бапта көзделген тәртіппен күшіне енетін өзгерістер мен толықтырулар енгізілуі мүмкін.

7-бап Қорытынды ережелер

Осы Хаттама ЕурАзЭҚ-тың Интеграциялық комитеті болып табылатын депозитарий Тараптардың оның күшіне енуі үшін қажетті мемлекетішілік рәсімдерді орындағаны туралы соңғы хабарлама алған күнінен бастап күшіне енеді.

Мәскеу қаласында 2004 жылғы 25 қазанда орыс тілінде бір түпнұсқа данада жасалды. Түпнұсқа дана осы Хаттамаға қол қойған әр Тарапқа оның расталған көшірмесін жіберетін ЕурАзЭҚ-тың Интеграциялық комитетінде сақталады.

Б е л а р у с ь	Р е с п у б л и к а с ы н ы ң
Үкіметі үшін	
Қ а з а қ с т а н	Р е с п у б л и к а с ы н ы ң
Үкіметі үшін	
Қ ы р ғ ы з	Р е с п у б л и к а с ы н ы ң
Үкіметі үшін	
Р е с е й	Ф е д е р а ц и я с ы н ы ң
Үкіметі үшін	
Т ә ж і к с т а н	Р е с п у б л и к а с ы н ы ң
Үкіметі үшін	

сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттамаға N 1-қосымша

ЕУРАЗЭҚ-ҚА МҮШЕ МЕМЛЕКЕТТЕРДІҢ АТҚАРУШЫ БИЛГІНІҢ УӘКІЛЕТТІ МЕМЛЕКЕТТІК ОРГАНЫ			
1. Өтініш беруші (атауы, толық мекен-жайы), ССН коды		2. ИМПОРТҚА/ЭКСПОРТҚА РҰҚСАТ БЕРУ N	
3. Сатып алушы/сатушы (аталуы, толық мекен-жайы)		4. Рұқсаттың қолдану мерзімі ж.31/12/ дейін	
5. Шығатын елі		7. N келісім-шарт	
6. Баратын ел			
8. СЭҚ ТН коды	9. Өлшем бірлігі	10. Саны	11. Статистикалық құны
12. Тауар атауы			
13. Өтініш беруші Т.А.Ә.А Лауазымы Телефон Қолы мен мөрі Күні		14. Атқарушы биліктің уәкілетті мемлекеттік органы Т.А.Ә.А. Лауазымы Телефон Қолы мен мөрі Күні	

Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттамаға N 2-қосымша

ЕУРАЗЭҚ-ҚА ҚАТЫСУШЫ АТҚАРУШЫ БИЛКТІҢ УӘКІЛЕТТІ МЕМЛЕКЕТТІК ОРГАНЫ			
1. ЛИЦЕНЗИЯ N		2. Қолданылу мерзімі дейін	
3. Лицензия түрі Бас/Бір жолғы/Ерекше Экспорт/Импорт		4. келісім-шарт N	
5. Өтініш беруші(атауы, толық мекен-жайы), ССН коды		6. Сатып алушы/сатушы (атауы, толық мекен-жайы)	
7. Баратын/шығатын елі		8. Сатып алушы/сатушының елі	
9. Тауар атауы		10. СЭҚ ТН коды	11. Өлшем бірлігі
		12. Саны	
		13. Төлем валютасы	14. Фактуралық құны
15. Қосымша ақпарат			
16. Лицензия беру үшін негіздеме			
17. "Келісілді" Т.А.Ә.А Лауазымы Қолы мен мөрі Күні		18. Атқарушы органның уәкілетті мемлекеттік органы Т.А.Ә.А Лауазымы Қолы мен мөрі Күні	

Еуразия экономикалық қоғамдастығына

мүше мемлекеттердің тауарларының,
сондай-ақ осыған байланысты жекелеген
қызмет түрлерінің импортын және
экспортын лицензиялаудың бірыңғай
ережелері туралы хаттамаға N 3-қосымша

1. ӨТІНІШ N		2. Қолданылу мерзімі дейін	
3. Лицензияның түрі Бас/Бір жолғы/Ерекше Экспорт/Импорт		4. келісім-шарттың N	
5. Өтініш беруші (атауы, толық мекен-жайы), ССН коды		6. Сатып алушы/сатушы (атауы, толық мекен-жайы)	
7. Баратын/шығатын елі		8. Сатып алушы-сатушының елі	
9. Тауар атауы	10.СЭҚ ТН коды	11. Өлшем бірлігі	12. Саны
	13. Төлем валютасы		14. Фактуралық құны
15. Қосымша ақпарат			
16. Лицензия беру үшін негіздеме			
17. "Келісілді" Т.А.Ә.А. Лауазымы Қолы мен мөрі Күні		18. Өтініш беруші Т.А.Ә.А. Лауазымы Телефоны Қолы мен мөрі Күні	

Еуразия экономикалық қоғамдастығына
мүше мемлекеттердің тауарларының,
сондай-ақ осыған байланысты жекелеген
қызмет түрлерінің импортын және
экспортын лицензиялаудың бірыңғай
ережелері туралы хаттамаға N 4-қосымша

ТАУАРЛАРДЫҢ ИМПОРТЫНА ЖӘНЕ (НЕМЕСЕ) ЭКСПОРТЫНА РҰҚСАТ БЕРУДЕН ЖОБАСЫН ТОЛТЫРУ ЖӘНЕ РҰҚСАТТЫ РЕСІМДЕУ ЕРЕЖЕСІ

1. Рұқсатты ресімдеудің осы Ережесі (бұдан әрі - Ереже) сыртқы сауда қызметінің қатысушылары мен уәкілетті мемлекеттік органдарға арналған.

2. Сыртқы сауда қызметінің қатысушысы ұсынатын рұқсат белгіленген нысанға қатаң сәйкес ЭЕМ басу құралында және міндетті түрде барлық қажетті деректемелер толтырыла отырып, жазылады.

3. Уәкілетті мемлекеттік орган бағдарламалық қамтамасыз етуді пайдалана отырып, жасанды қағаздардан арнайы қорғайтын бір ізділендіру нысаны бойынша рұқсатты ресімдейді. Бұл ретте рұқсаттың деректемелері мынадай түрде толтырылады.

Рұқсаттың деректемелері мынадай түрде толтырылады:

1-деректеме. "Өтініш беруші (атауы, толық мекен-жайы, ССН коды)"

Сыртқы сауда қызметінің қатысушысы туралы мәліметтер көрсетіледі

- заңды тұлға үшін - толық ресми атауы, заңды мекен-жайы, салық төлеушінің сәйкестендірілген нөмірі;

- жеке тұлға үшін - тегі, аты, әкесінің аты, төлқұжат деректері (сериясы, нөмірі, қашан және кім берген, мекен-жайы), салық төлеушінің сәйкестендірілген нөмірі.

2-деректеме. "N"

Сұратылатын рұқсат түрінің қажеттісінің астын сызу керек (мысалы, ИМПОРТ).

Рұқсаттың нөмірі күнтізбелік жылдың басынан бастап өсу тәртібіндегі бес таңбалы тіркеу нөмірін беру жолымен рұқсат жобасын арнайы журналда тіркегеннен кейін уәкілетті мемлекеттік орган толтырады (мысалы: 00001).

Рұқсаттың нөмірі **15 белгіден** тұрады және мынадай түрде қалыптасады:

1-Р - әрпі.

2-4 - рұқсат берген ЕурАзЭҚ-қа мүше мемлекетінің (Беларусь Республикасы - 112; Қазақстан Республикасы - 398; Қырғыз Республикасы - 417; Ресей Федерациясы - 643; Тәжікстан Республикасы - 762) коды.

5 және 6 -сандары - экспортқа (импортқа) қадағалау жүзеге асырылатын тауарлар санатының коды;

7-саны жылдың соңғы саны;

8-10 - рұқсат расталатын мөрдің үш таңбалы нөмірі;

11-15 - уәкілетті мемлекеттік органның күнтізбелік жылдың басынан бастап өсу тәртібі тіркеу журналында тіркелген нөмірі. Рұқсатты рәсімдеу кезінде уәкілетті мемлекеттік орган рұқсат түрін (мысалы - **ИМПОРТҚА** арналған) көрсетеді.

3-деректеме. "Сатып алушы/сатушы (атауы, толық мекен-жайы)"

Келісім-шартта көрсетілген келісім-шарттың тілін сақтай отырып, оның атауы мен мекен-жайына сәйкес тауарды сатып алатын (экспорт кезінде) немесе тауар сататын (импорт кезінде) шетел әріптесі фирмасының атауы және толық мекен-жайы көрсетіледі

4-деректеме. "Рұқсатты қолдану мерзімі"

Өтініш беруші сұратқан рұқсаттың қолданылу мерзімінің аяқталатын күні көрсетіледі. Бұл ретте күні мынадай түрде көрсетіледі:

КК.АА.ЖЖ,

мұндағы:

КК - күні;

АА - айы;

ЖЖ - жылы.

Символдар бір бірінен нүктемен бөлінеді (мысалы, 01.01.04).

5. "Шығатын ел" және 6. "Баратын ел" деректемелері

Тауарлардың баратын елдері мен шығарушы елдерінің атаулары көрсетіледі.

7-деректеме. "Келісім-шарт"

Келісім-шарттың нөмірі және оған қол қойылған күні көрсетіледі.

Күні осы бөлімнің 4-деректемесінің талабына сәйкес көрсетіледі.

8-деректеме. "СЭҚ ТН коды"

Еуразия экономикалық қоғамдастығына мүше мемлекеттің сыртқы экономикалық қызметінің тауар номенклатурасына сәйкес (ЕурАзЭҚ-тың СЭҚ ТН) тауардың он таңбалы коды көрсетіледі.

9-деректеме. "Өлшем бірлігі"

ЕурАзЭҚ-тың СЭҚ ТН-ға сәйкес тауардың өлшем бірлігінің қысқартылған атауы (негізгі немесе қосымша) көрсетіледі.

10-деректеме. "Саны" 9-деректемеде көзделген өлшем бірліктерін (салмақ бірліктері үшін - нетто салмағы) тауардың саны көрсетіледі.

11-деректеме "Статистикалық құны"

Тауардың статистикалық құны АҚШ долларымен көрсетіледі.

Егер статистикалық құнның бөлшек бірлігі болса, онда ол дөңгелектену ережелері бойынша тұтас шамаға дейін дөңгелектенеді.

12-деректеме. "Тауардың атауы"

ЕурАзЭҚ-тың СЭҚ ТН-ға қатаң сәйкес тауардың толық атауы және қажет болған кезде бір мағыналы сыныптамалары үшін талап етілетін оның барынша егжей-тегжейлі сипаттауына түсініктемелер көрсетіледі.

13-деректеме. "Өтініш беруші"

1-деректемеде көрсетілген өтініш берушінің, оның Т.А.Ә.А., лауазымы, байланыс телефоны мен өтініштің ресімделген күні көрсетіле отырып, мөрмен куәландыратын қолы қойылады.

14-деректеме. "Атқарушы органның уәкілетті мемлекеттік органы"

Рұқсат берген тұлғаның, оның Т.А.Ә.А., лауазымы және қол қойылған күні көрсетіле отырып, мөрмен куәландырылған қолы қойылады.

Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттамаға N 5-қосымша

ЛИЦЕНЗИЯ АЛУҒА ӨТІНІШТЕРДІ ЖӘНЕ ТАУАРЛАРДЫҢ ИМПОРТЫНА ЖӘНЕ (НЕМЕСЕ) ЭКСПОРТЫНА АРНАЛҒАН ЛИЦЕНЗИЯНЫ РЕСІМДЕУДЕН ЕРЕЖЕЛЕРІ

1. Өтініштер мен лицензияны ресімдеудің осы Ережелері (бұдан әрі - Ережелер) сыртқы сауда қызметінің қатысушылары мен уәкілетті мемлекеттік органдарына арналған.

2. Лицензия беруге арналған өтініш белгіленген нысанға қатаң сәйкес ЭЕМ басу құрылғысында және міндетті түрде барлық қажетті деректемелерді толтырыла отырып, жасалынады.

Рұқсаттың деректемелері мынадай түрде толтырылады:

1-деректеме. "Өтініштің N"

Рұқсатты нөмірі күнтізбелік жылдың басынан бастап өсу тәртібінде бес таңбалы тіркеу нөмірін беру жолымен рұқсат жобасын арнайы журналда тіркегеннен кейін уәкілетті мемлекеттік орган толтырады (мысалы, 00001).

2-деректеме. "Қолданылу мерзімі"

Өтініш беруші сұратқан лицензияның қолдану мерзімінің аяқталатын күні көрсетіледі. Бұл ретте күні мынадай түрде көрсетіледі:

КК.АА.ЖЖ,

мұндағы

КК - күні;

АА - айы;

ЖЖ - жылы.

Символдар бір бірінен нүктемен бөлінеді (мысалы, 01.01.04)

3-деректеме. "Лицензия түрі"

Сұратылатын лицензия түрінің астын сызу керек (мысалы, бас / бір реттік/ айрықша экспорт / импорт).

4-деректеме. "Келісім-шарт"

Келісім-шарттың нөмірі және оған қол қойылған күні көрсетіледі.

Күні осы бөлімнің 2-деректемесінің талабына сәйкес көрсетіледі.

Бас және ерекше лицензияларға арналған өтініш ресімделген жағдайда 4-деректеме толтырылмайды.

5-деректеме. "Өтініш беруші (атауы, толық мекен-жайы, ССН коды)"

өтініш беруші туралы шын мәліметтер көрсетіледі:

- заңды тұлға үшін - толық ресми атауы, заңды мекен-жайы, салық төлеушінің сәйкестендірілген нөмірі;

- жеке тұлға үшін - тегі, аты, әкесінің аты, төлқұжат мәліметтері (сериясы, нөмірі, қашан және кім берген), салық төлеушінің сәйкестендірілген нөмірі.

6-деректеме. "Сатып алушы/сатушы (атауы, толық мекен-жайы)"

Келісім-шартта көрсетілген келісім-шарттың тілін сақтай отырып, оның атауы мен мекен-жайына сәйкес тауарды сатып алатын (экспорты кезінде) немесе тауарды сататын (импорты кезінде) шетел әріптесі фирмасының атауы және толық мекен-жайы көрсетіледі.

Бас және ерекше лицензияны ресімдеген жағдайда "Келісім-шарттың талабына сәйкес" деп жазылады.

7-деректеме. "Баратын/шығаратын ел"

Шетел әріптестерінің елдері (экспорт кезінде) немесе шығаратын елдердің атауы көрсетіледі.

Бас және ерекше лицензияны ресімдеген жағдайда **"Келісім-шарттың талабына сәйкес"** деп жазылады.

8-деректеме. "Сатып алушының/сатушының елі"

Шетел әріптестерінің (экспорт кезінде) немесе сатушының (импорт кезінде) елінің атауы көрсетіледі.

Бас және ерекше лицензияны ресімдеген жағдайда **"Келісім-шарттың талабына сәйкес"** деп жазылады.

9-деректеме. "Тауардың атауы"

Еуразия экономикалық қауымдастығына мүше мемлекеттің сыртқы сауда экономикалық қызметінің Тауар номенклатурасына (ЕурАзЭҚ-тың СЭҚ ТН) қатаң сәйкес тауардың толық атауы және қажет кезінде тауардың бір белгілік сыныптамалары үшін талап етілетін оны егжей-тегжейлі барынша сипаттаған түсініктемелер көрсетіледі. Егер 9-деректемеде барлық ақпараттар сыймаса, осы ақпараттың бөлігі "қосымша ақпараттар" деген 15-деректемеге ауыстырылуы мүмкін.

10-деректеме. "СЭҚ ТН коды"

ЕурАзЭҚ-тың СЭҚ ТН-ға сәйкес тауардың он таңбалы коды көрсетіледі.

11-деректеме. "Өлшем бірлігі"

ЕурАзЭҚ-тың СЭҚ ТН-ға сәйкес тауардың өлшем бірлігінің қысқартылған атауы (негізгі немесе қосымша) көрсетіледі. СЭҚ ТН-нан айырмашылығы бар өлшем бірлігі пайдаланылған жағдайда 15-деректемеде тауардың саны мен өлшем бірліктері туралы қосымша мәліметтер көрсетіледі.

12-деректеме. "Саны"

Тауардың 11-деректемеде көзделген өлшем бірлігіндегі (салмақ бірліктері үшін - нетто салмағы) саны көрсетіледі.

13-деректеме "Төлем валютасы"

Тауардың келісім-шарт құны айқындалатын валютаның қысқа атауы көрсетіледі.

Бас және ерекше лицензияны ресімдеген жағдайда **"Келісім-шарттың талабына сәйкес"** деп жазылады.

14-деректеме. "Фактуралық құны"

Тауардың фактуралық құны келісім-шарт валютасымен көрсетіледі.

Егер фактуралық құнның бөлшек бірлігі болса, онда ол дөңгелектеу ережелері бойынша тұтас шамаға дейін дөңгелектенеді.

Бас және ерекше лицензия ресімделген жағдайда тауардың бағдарлы құны көрсетіледі.

15-деректеме. "Қосымша ақпарат"

Қажеттілігіне қарай пайдаланылады. Осы деректеме ашық тұсында лицензияға арналған өтініштің 7, 9, 11, 12 деректемелерін нақтылау және ашып жазу қажеттілігіне

байланысты мәліметтер енгізіледі, сондай-ақ өтініш ресімдеген сәтте қол қойылған келісім-шартқа барлық толықтырулар мен өзгерістердің нөмірі және күні енгізіледі.

16-деректеме. "Лицензия беру үшін негіздеме"

Мыналар:

- ЕурАзЭҚ-қа мүше мемлекеттердің нормативтік құқықтық актілерінің нөмірлері және күндері, мемлекеттік атқарушы биліктің органдардың немесе уәкілетті халықаралық органдардың лицензияны сұрату үшін негіз болып табылатын құжаттарының нөмірлері мен күндері;

- егер делдал өтініш беруші ретінде көрінетін болса, комиссия шарттарының нөмірлері мен күндері;

- аукцион жеңімпаздары сертификатының нөмірі мен күні немесе әрбір Тараптың Ведомствоаралық комиссиясы Хаттамасынан үзінді (квоталанатын тауарларға аукцион немесе конкурс өткізілген және лицензия рәсімделген жағдайда) көрсетіледі.

16-деректеме. "Лицензия алу үшін негіздеме"

Мыналар:

- ЕурАзЭҚ-қа мүше мемлекеттің нормативтік құқықтық актілерінің нөмірлері және күндері, мемлекеттік атқарушы биліктің органдардың немесе уәкілетті халықаралық органдардың лицензияны сұрату үшін негіз болып табылатын құжаттарының нөмірлері мен күндері;

егер делдал өтініш беруші ретінде көрінетін болса комиссия шарттарының нөмірлері мен күндері;

- аукцион жеңімпаздары сертификатының нөмірі мен күні немесе әрбір Тараптың Ведомствоаралық комиссиясы Хаттамасының көшірмесі (квоталанатын тауарларға аукцион немесе конкурс өткізілген және лицензия рәсімделген жағдайда);

- лицензия беруді негіздейтін басқада қажетті ақпарат көрсетіледі.

17-деректеме. "Келісілді"

Қосымша келісу қажет жағдайда толтырылады.

Лицензияны беруге келіскен тұлғаның Т.А.Ә.А., лауазымы және қол қойылған күні көрсетіледі. Бұл ретте деректемеде **"қолы мен мөрі бар"** деген белгі қойылады.

18-деректеме. "Атқарушы биліктің уәкілетті мемлекеттік органы"

Оның Т.А.Ә.А., лауазымы және қол қойылған күні көрсетіле отырып, рұқсат берген тұлғаның мөрмен куәландырылған қолы қойылады.

Осы мәтін 2004 жылғы 25 қазанда Мәскеу қаласында жасалған "Еуразия экономикалық қоғамдастығына мүше мемлекеттердің тауарларының, сондай-ақ осыған байланысты жекелеген қызмет түрлерінің импортын және экспортын лицензиялаудың бірыңғай ережелері туралы хаттама туралы" ЕурАзЭҚ Мемлекетаралық кеңесінің N 198 Шешімінің куәландырылған көшірмесімен сәйкес аударма болып табылатынын куәландырамын.

